

Etorkizuneko lanari buruzko eztabaida prozesua: Lanerako 1. dokumentua
(2020ko ekainaren 25a)

ONGIZATE ESTATU BERRIAREN ETORKIZUNAK

1. Hausnarketarako testuingurua

Gizarte politikak oso eremu heterogeneoa eta konplexua dira, non hainbat ekintza eta estrategia biltzen diren gizarte arazoaren arlo desberdinetarako. Europako testuinguruan, gizarte politikak kudeatzeko eredu ugari aurki daitezke.

Gizarte politiken garapenean erabiltzaileek duten zeregina, pertsonarengan oinarritutako zainketen paradigmaren sustapena eta lankidetzazko gobernantza dira Gipuzkoako gizarte politiken ereduaren ongizatearen eta gizarte kohesioaren estrategiaren muina.

Pairatzen ari garen osasun krisiak pertsona askori eragingo dio, eta etorkizun zalantzarikaria planteatzen du gizarte, ekonomia eta osasun arloetan. Horregatik, beharrezkoa da gizarte politiken etorkizuna aztertzea, Europako testuinguruan Ongizate Estatuak duen lekuari buruzko eztabaida sakon baten esparruan. COVID-19ak piztutako krisiak eztabaida hori bizkortu besterik ez du egin. Alde batetik, krisiak agerian utzi ditu gizarte politiken alde ahulak, eta berrikuntza publikoak eskatu ditu gizarte politikek eta haien zerbitzuek aurreratzeko, eraginkorrak izateko eta komunikatzeko duten gaitasunean. Bestalde, COVID-19aren krisiak ikuspegi eta ikaskuntza berriak eskaintzen ditu, gizarte zibilaren (herritarrek, gizarte eta osasun erakundeak, herrialdearekin konprometitutako enpresa sektorea) eta Ongizatearen Estatuaren (administrazio publikoa) arteko aliantza ezezagunaren ondorioz. Krisiak, gutxitan bezala, herritarren osasunaren eta segurtasunaren aldeko lehentasuna erakutsi du, gizarte politiketarako ikuspegi berri bat bultzatuz. Azkenik, COVID-19aren krisiak sortzen ari diren premia sozial berriei erantzuteko erronkari egin behar dio aurre, eta, horretarako, zalantzarik gabe, laguntza politikak sortu behar dira, eta politika horiek gauzatzeko kostuak ezarri, eta hori Lurraldearen beharrezko susperraldi ekonomikoaren kalterako izan daiteke.

2. Eztabaidarako gonbidapena

Hala, eztabaida gune bat irekitzen da, Gipuzkoako Lurralde Historikoko, Ongizatearen Estatuaren eta gizarte politiken etorkizunak aurreikusteko eta aztertzeko, hausnarketaren, tokiko esperimentazioaren eta herritarrek eskatzen dituzten gai eta beharretan ebidentziak sortzearen

bidez. Hausnarketa horren azken helburua da gizarte politikak garatzeko eszenatokiak eskaintzea, pertsonen ongizatea bermatzeko, desberdintasunak gutxituz eta bizi kalitatea hobetuz.

COVID-19aren krisiak eragindako epe laburreko tentsioak eta Ongizatearen Estatuaren etorkizunak eragindako epe luzeko tentsioak dira eztabaida horren ardatzak. Berehalakoan, COVID-19aren krisiaren balantzea egin behar da, eta, horretarako, garrantzitsua da epe laburrera egon daitezkeen eszenatokiak kontuan hartzea.

3. Birusa berriro agertzeko eszenatokiak, eztabaidarako tiratzaile gisa

3.1. Eszenatokien erabilera

Minnesotako Unibertsitateko CIDRAPek (2020) COVID-19 pandemiaren eszenatokiei buruz egindako azterlanean,¹ pandemia garatzeko hiru eszenatoki potentzial identifikatu ziren datozen hilabeteetarako, COVID-19 eta influenza pandemien datu epidemiologikoak konbinatuz.

Erregioen eta herrialdeen arabera, eszenatoki horiek gertatzeko probabilitateren bat dute. Etorkizuna Eraikiz Think Tank egitasmoaren gogoeta testuinguruan, eszenatoki horiek tresna erabilgarriak izan daitezke epe laburreko politiken diseinua aztertzeko, hurrengo hilabeteetan pandemia berriro agertzen bada.

3.2. Eszenatokien deskribapena


1. ESZENATOKIA: Tontorrak eta haranak. Kutsadura boladak **ohikoak** izango dira, **nahiz eta txikiagoak izan**, 1 edo 2 urtetan, eta pixkanaka gutxitzen joango dira.

2. ESZENATOKIA: Udazkeneko tontorra. Lehenengo kutsadura boladaren atzetik **bolada handiago bat egongo litzateke 2020ko udazkenean eta neguan**, eta ondoren bolada txikiagoak.

3. ESZENATOKIA: Ahultze arina. Kutsadura boladak **apurka-apurka gutxitzen joango dira, berriz ere kutsadura tontor handirik izan gabe**. Horrela, birusa etengabeko mehatxua izango litzateke, baina hildakoen ratio baxuekin.

4. Espero diren emaitzak

COVID-19a berriro agertzearen eszenatoki potentzialei buruzko gogoeta horretatik, ikasitako irakaspenak eta politika gomendioak lortzea espero da, birus hori etorkizunean berriro agertzeari eta horrek Gipuzkoako gizartean izango duen eraginari begira prozesuak aurreikusteko.



¹Moore, Lipsitch, Barry and Osterholm (2020), "The future of the COVID-19 Pandemic: Lessons learned from Pandemic Influenza", COVID-19, CIDRAP Viewpoint, University of Minnesota, EEUU. <https://www.cidrap.umn.edu/>